

# Kontuola

ANTZUOLA / Egubakoitza / 201eko urriaren 19a / 87. zenbakia

KOORDINATZAILEA: Aintzane Irizar • Barrenkalea, 33 2570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

## Umeei ipuinak zelan kontatu ikasteko aukera Virginia Imazen eskutik

AINZANE IRIZAR

Hiru zapatutan eskainiko du Virginia Imaz bergararrak ipuinak zelan kontatu ikasteko ikastaroa. Azaroaren 17an eta 24an, eta abenduaren 15ean izango da ikastaro hori. Guraso, zaintzaile edo interesa duen edonori zuzenduta dago ikastaroa.

Umeei ipuinak zelan kontatu ikasi ahal izango duzue Antzuolako Udalak antolatu duen ikastaro honetan. Virginia Imaz bergararrak eskainiko du ikastaro hori.

Virginiaren esanetan, "guk ez dugu bereizketarik egiten, ipuinak edozeinendako dira; umeen dako oso garrantzitsuak dira ipuinak, baina guztiok daukagu ipuinen beharra".

Antzuolan eskainiko duen ikastaro hau, baina, umeei ipuinak kontatzeko ikastaroa da. Imazek azaldu digunez, denok, ume eta nagusi, daukagun arren ipuinen beharra, "umeen kasuan, oso paper garrantzitsua betetzen dute: imaginazioa lantzeko eta beldurri aurre egiten ikasteko elementu guztiz beharrezkoak dira ipuinak".



ARTXIBOA

Ume eta nagusien artean komunikazio zuzena sortzen da ipuinak kontatzerakoan.

### ZELAN KONTATU IPUIN BAT

Virginiaren esanetan, naturaltasuna da ipuinak kontatzerako orduan, garrantzitsuena. Ez da aditu bat izan behar ipuinak kon-

tatzeko. Nahikoa da ipuinek umeen bizitzan duten garrantzia ohartu, eta gogoz, interesez egitea kontakizuna. Bakoitzak bere errekurtsuak izango ditu (kei-

nuak, abestiak...), baina oinarrikoena naturaltasuna da.

### KOMUNIKAZIOAREN GARRANTZIA

Horixe da, hain zuzen ere, Virgi-

*"Umeei beharrezko dituzte ipuinak, oso paper garrantzitsua betetzen dute umeen bizitzan"*

niak behin eta berriz errepikatzen duena. Ume eta nagusien artean komunikazio zuzena sortzen da ipuinak kontatzerakoan. Umeak gertu sentitzen du ipuina kontatzen diona, eta harreman afektiboa sendotzen laguntzen du. Entzuten duenaren arabera, gainera, bere buruan irudiak imajinatzen ditu umeak; "imaginazioaren gimnasioa" bihurtzen da momentu hori umearentzat.

### AHOZKOTASUNAREN ETORKIZUNA

Virginia baikor azaldu da etorkizunari begira. Azkenaldian ipuinen kontakizuna bultzatzeko inizatiba asko sortu da bere ustez, eta hori poztekoa da. Antzuolako Udalaren ekimena ere oso positibotzat jo du, eta hainbat ikastetxe eta gurasoren ahalegina ere azpimarratu nahi izan ditu.

## HERRITARREN HITZA / Beñardo Kortabarria • Kazetaria

### Jubilatuei kendu eta gazteei eman

Jubilatuek badute behin-behineko lokala; gazteek, aldiz, ez. Udalak gazteei jarri behar zien lokala, ez jubilatuei. Jubilatuek lokal barik egon diren egunetan, gaur taberna batean bihar bestean ibili dira. Tabernendako -eta hauen ohiko bezeroendako- haize freskoa izan dira, batez ere astegunetako bazkal osteko tarte erdi-hil horietan. Karta-jokoan, berbetan edo kafesnea hartzen, egunero hor egon dira. Ondoan jarri eta gazteagoekin berriketaldiren bat edo beste egiteko aukera izan dute, tentsio altua ahaztu eta bestelako gaiez berba

egiteko... eta gazteagoek ere, telebista begiratu edo egunkariko orrialdeak pasatu beharrean, barra ondoko zaharragoak izan dituzte berba-lagun.

"Lokaletik ateratzea nahi izanez gero, badute ateratzea" esango du norbaitek. Ez diet arrazoirik kenduko, baina -ez gaitzen engaina- jubilatuek oro har, poltsikoari dezente begiratzen diote, eta beren lokalean seguru kafea merkeago hartzen dutela.



"Gaztetxea itxi zenetik, Mox-en daude gazteak"

Hortaz, jubilatuek lokal batean sartzeko dirua gastatzea baino, ez litzateke hobea gainerako tabernatan prezio bereziak jartzea?

Gazteak, berriz, gaztetxea itxi zenetik Mox-en daude, erdialderantz pintxo-premia dutenean baino ez dira azaltzen. Euren giroan daude eta, horrela egon nahi badute, egon daitezela. Gaztetxea zutenean, berdin egiten zuten, kalera irteten ez. Dena den, gurasoak

lasai egon! barruan egote hori, tratua bakarrik lagunekin izan behar hori denborarekin konpontzen da, eta ez du kalterik eragiten.

Portzieto, gazteek ari garenez. Gauez parrandan ibiltzeko -arriku barik mozortu ahal izateko- autobusak jarri dituzte bailaran. Bailara osoan? Ez, Antzuola, Gatzaga eta Elgetako gazteek -herri txikienetakoek- ezingo dituzte autobusok hartu. Gero, Madrilgo zentralismoaz hitz egiten da Euskal Herrian, eta Donostiakoaz Goienan, herri txikietakoak Arrasate edo Bergarakoaz hitz egiten hasi beharko dugu?

## LABUR

### Erretiratuei zuzendutako ikastaroak

Antzuolako Udalak erretiratuetarako internet eta informatika ikastaroak antolatzen ditu. Horretarako, baina, zenbat jende prest egongo litzatekeen jakin nahi du.

Beraz, ikastaro hauetan parte hartu nahi izanez gero, udaletxean bertan eman behar duzue izena, datorren eguztean, urriaren 24a, baino lehen. Ikastaroa noiz izango den eta zein ordutegi izango duen ez dute oraindik erabaki Udaleko arduradunek.

## TELEFONO JAKINGARRIAK

### OSASUNA/LARRIALDIK

DYA	943 78 71 57
Gurutze Gorria	943 76 55 76
Medikua	943 76 62 23
Praktikantea	943 76 63 80
Udaltzaingoa	943 76 62 46
Ertzaintza	943 76 53 40

### UDALA

Udaletxea	943 76 62 46
Kultura	943 76 64 80
Liburutegia	943 76 60 65

### BESTELAKOAK

Idolaz	943 78 60 12
Herririkastetxea	943 76 62 68
Jubilatuena elkarte	943 76 62 71
Abadetxea	943 76 64 16
Anelkar (Kontxi)	943 78 70 65
Taxiak: Antonio Fernández	669 15 65 40
Jesus M. Fernández	607 31 85 60

## MEZAK

### ANTZUOLAKO PARROKIA

Lanegun eta zapatuetan: 19:30  
Domeka eta jaiegunetan: 09:00, 11:30

### UZARRAGAKO PARROKIA

Domeka eta jaiegunetan: 10:00

## OHARRAK

### ERRETRATU ZAHARRAK BEHAR DITUGU

Bergarako edizioan, 22. orrialdeko *Irudiak* sailean, Bergara, Antzuola eta Elgetako erretratu zaharrak jaso nahi ditugu. Erretratu zaharrik baldin badaukazue, eskertuko genizueke *Kontuolako* Bergarako erredakziora ekartzea, edo telefonoz deitzea, 943 76 03 97 zenbakira.

### 'SUTARGI' IKUSTERA JOATEKO AUTOBUSA

Gaur, egubakoitza, gaueko 22:00etan, Aukeran taldeak *Sutargi* ikuskizuna eskainiko du Bergarako frontoian. Ikuskizun hau Bergarako eta Antzuolako erretiratuen elkarteek antolatuta dute, hamabostaldi kulturalaren barruan. Joan nahi dute nentzat autobusa egongo da; gaueko 21:00etan irtengo da plazatik. Martin eta Altzarte okindegietan eta Itzar liburu dendan eman daiteke izena, eta txartelak erosi (800 pezeta).

## BASERRIZBASERRI/ Galartza



**AUZOKO BURUAK** Baserri honen lehen aipamena 1307. urtekoa da. Garai hartan, Galartzako Garcia Iohan bizi zen hantxe. Galartzako auzotarren buru izan zen baserri eta sendi honek Antzuolako herriarekin elkartu baino, Bergararekin bat egiteko borrokatu zuen. Izen handiko pertsonaiak izatera iritsi ziren Galartzako belaunaldiko sendiak; besteak beste, Inkisizioko eta erregearen idazkariak, Lepantoko borrokaldian hildakoak... Badago besteren bat, XVI. mendean, esklaboren baten jabe ere izan zena. Bi etxebizitzako baserria da, baina, gaur egun, etxebizitza bakarrean Francisco Javier Gaztañaga eta Lourdes Fernández bizi dira, bi seme alabarekin, Xabier eta Amaia. /IÑIGO RAMIREZ DE OKARIZ

## BOTEPRONTOAN/ Aitziber Gezalaga · Trikitilaria

*“Nahixago dittut kalejirak erromerixak baiño, jende gehixago animatzen da dantza egittera”*

**Z**eiñek ez dau ezagutzen Aitziber? Zeiñek ez dau ikusi Ibon anaiakin batera panderua jotzen? 23 urte dauka Aitziberrek, eta irakaskaria da. Oraingo astian bertan hasi da lanian Santurtzin.

**Noiz hasi ziñan panderua jotzen?**  
Hamar bat urtekin. Valentín Aperribaik erakutsi zoztan. Anaiak soiñua jotzen zeban, eta tentaziñua emun zoztan. Nik panderua ikasi nahi neban.  
**Anaia eta bixok beti elkarrekin ibiltzen zarete. Ondo konponduko zarete, ezta?**  
Bueno, ez pentsau, e? Eukitzen dittugu geure gauzatxuak be. Baiña bai, egixa esan, ondo konpontzen gara. Biherko,

gaiñera, ondo konpondu, bestela, a ze plana!  
**Gezalaga anai-arreben diskua, noizko?**  
Ja ez dot uste holakorik ikusiko dozuena. Bixok gabitz lanian, eta gero eta denbora laburragoa daukagu jotzeko.  
**Kalejiria ala erromerixia nahixago?**  
Gaur egunian, kalejiria aukeratu neuke. Erromerixiak ez die lehengo modukuak. Kalejiran dantzan egittera jende gehixago animatzen da.  
**Zeuri gustatzen jatzu dantza egittia?**  
Bai, asko gustatzen jat.  
**Musika talde bat?**  
Idi Bihotz asko gustatzen jat.  
**Ze falta da Antzuolan?**  
Zapatu gabetako anbientia.



A, eta aparkamentuak. Errekalden, behintzet, falta die.  
**Eta zer dago sobran?**  
Txismorro batzuk, noizian behin, besterik ez.  
**Zein miresten dozu?**  
Lagun berezi hori.  
**Zela definituko ziñuke zeure burua?**  
Neska alaixa naiz, eta jendiak holaxe ikusten nau. Baiña, nahiz eta triste egon, ez dot demostratzen. Eta jendiakin, lagunekin, egotia asko gustatzen jat.  
**Bestiengan zer da gehixen apreziatzen dozuna?**  
Neregatik arduratzia eta arduratzen diala demostratzia.  
**Amets bat?**  
Orain, momentuan, biaje bat egittia, Parisera, adibidez.

# EGAÑA

Era guztietako arotz lanak

Tarima eta parketa jartzea  
Zoruen kutxilatu eta barnizatuak

Kalegoi 21, ANTZUOLA Tel.: 943 76 64 23

## GoROSTi Taberna

943 76 62 96  
Zurrategi plaza  
ANTZUOLA

## LARREA

TABERNA

Kalebarren 17  
ANTZUOLA

## Igor eta Txomin



Margoak  
orokorrean

ANTZUOLA  
609 157 131

BERGARA  
609 150 164